



· 01019

田叔禾小集卷之十一目錄

男田



賦一首

詩六十首

五言古詩 四十七首

七言古詩 六首

五言排律 七首

田集十二目錄

田叔禾小集卷之十二目錄

詩一百四十八首

五言律詩 七十首

七言律詩 五十六首

五言絕句 四首

七言絕句 十八首

田叔禾小集卷之十一

錢塘田

汝成

撰

賦詩

男

藝蘅

私抄

南遊賦

歲次闌茂月旅夷則歷日戊寅七夕令節田子
將祗役桂林藹焉異域戒行李辭嚴君展瑩宅
謝姬姻供帳南浦弭楫西津迺喟然嘆曰迢迢
畏途險矣隘矣佻佻征夫塵矣憊矣夫運有窮

田叔禾集十一

一

通事有順逆安土敦仁謂之迪吉故度德量能
中外以秩者君之制也委身陳力夷險無擇者
臣之義也猥經術之寡昧兮濫策名於盛時效
涓埃於一紀兮倣沿牒而登資王程檄其孔棘
兮詎不可乎稍留遂揚舲以遄往兮訊南紀而
遠遊闕庭闈之定省兮眷棗梓之綢繆雖慰親
以强笑哀憑心其曷瘳路尸饗而負米曾受杖
於耒爪尊叱馭以馳阪嶠絕裾而忘家伊數賢
之異趣兮予惟三復乎白華景孔門之崇孝兮

何百行之能加陟五雲以騁望兮散予心之鬱
伊禹穴蔚其對矣兮微河洛而末思輯瑞帛以
會計兮防風後而蒙誅孔斥怪而不語兮胡辯
胥之專車俄瑤山之崖嶺兮突秋江之怒濤乍
翱翔以徐進終踈蹕以彌高束赭峽而訇磔薄
赤亭以消搖陵廣斥而雲布迫枝汜而熊咆來
不知其所吐兮去莫測其所韜將堪輿之噫吸
兮疇胥怒之能招降層岑而卽舸兮御魚浦之
緒風淹定山以回眺兮眇鳳嶺於冥濛旦予發

於浙汭夕倚權於桐廬輟文漣以淪茗茅翠苻
以爲茹山川鬱其盤飀兮信玄聖之儲胥攬予
纓之纏纏兮濯嚴光之靈瀨晤入幕而輸忱曾
不屈其鯁槩體肥遜以居貞處久約而能泰希
巢許之遐踪何狂奴之故態指太末以西邁兮
歷姑蔑之榛墟丁吳越之龍鬪兮悉率賦而從
之踐茹膽以勗恚媪持葛以作絲藉蠶種之夾
輔竟澡耻於會稽何六千之膚敏復假虹於妖
姬貴乎聖賢之持滿兮履薄冰以自持彼何怵

而淫佚兮少康祀其忽諸悵覽古猶未厭兮增
羈懷之未嘆沂行颯以催發兮紛不假乎盤桓
釋余橈於澱澣揔余轡於常山路威夷兮木杪
風飄蕭兮雲端感新秋之策策悲故國之漫漫
望王斗之峩峩驚鉛溪之修渚雲冉冉以歸吳
人棲棲而泊楚亂彭蠡之汪洋兮康卽歸其在
睹哂僞漢之草竊兮規潢池以跋扈 皇祖赫
以龍飛兮矇不肯乎爲所鼓蛙怒於鯨波灰萬
艦於一炬先扶搖以鷹搏後倉皇以鼠沮屬四
寓之承平兮抗一葦以安流帆翩翩兮賈客眾
歲歲兮漁舟寡杜蘅兮幽淑狎鳧鴈兮中洲沐
膏澤而誅勤苦兮喟太息以夷猶會長風以鷁
舉聊戢翼於洪都肅南州之高士吊黃壚以束
芻蕃柔鈞而少通兮矯矯節於頽波旣下榻以
承間兮胡不規之以中和處明夷而用晦兮知
其無可柰也互標榜以危言兮亦吾黨之過也
誦古牒其多愍兮予姑順途以徜徉披劒池之
荒壤睇牛斗之餘光金川洌以維緩玉笥駿以

高驤慨神物之恍惚兮僊之跡復已渺茫握椒
醕而叩螺阜兮謁忠節之祠宮嘉趙宋之多士
兮每登庸乎茲邦文子哀然而首舉兮值宗社
之顛傾慟赤縣之草莽扶奠屋於滄溟靈亦知
天壤之不可支兮要弘長以爲正竭余力始就
繫兮濱九死而崢嶸誓成仁而取義兮佩聖訓
之孔明復靈歌以激烈兮涕淫淫其緣纓犯皇
恐余上泚兮亦靈顛沛之所履水瀉瀑以下瀨
兮擊危磯之齒齒類駢馬之騰波象潛牛之伏
渚沫沸沸兮霑衣風泠泠兮送予將感靈而助
予兮警予濟乎驚湍予既不難於利涉兮履習
坎而愈安晞庾嶺之偃蹇兮路回回以造天石
側疊以霞駸木天矯以虬蟠憇中坐而神掉俯
浚谷以顛汗豁崇關以豁閭兮巖不可乎徑度
通重海以來庭納八蠻之寶賦輦犀象而甌珠
翠兮歸上國而布濩嗟曲江之人傑兮焯相業
於開元關茲關以懷遠兮峻故里之藩垣衣冠
儼其世祀兮覽遺編而增歎賦白羽以寄諷兮

窺細德之險微予之言既艱於納牖兮抱殷憂
於長離版上帝以喪亂兮悔違弼其何追乘凌
江而下邇兮接南海之洪波憶當年之浪跡兮
冒赫羲以流槎涉朱垠之浩沚跋赤嶠之嵯峩
疲精神於夙夜兮冀青衿之速化遵半塗而削
迹兮雖式穀其則那予亦知迂踈之爲患兮耿
憤世而嫉邪雖忤時以多口兮剖心腎其無他
掠端州以左轉兮訊孝肅之遺黎却片石而弗
橐兮孰貪泉之能溜潄江流離而東下兮蹇予

舟以薄磷梧山龍窀以隗罪兮路陂陀而逾峻
逆灘水以上浮兮入大荒之修垌山參差以繚
繞兮冗不知其所名峯刺天兮戟立灘濤石兮
雷轟霧靈霽以下泄雲滂渤以長蒸猩猿哀以
夜嘯虎豹群而晝行劃綠林以唐突兮孰有戎
之敢攫何茲川之塞阨兮餘百里而無人心屏
營兮逾劇途邇迴兮益屯禹脰胝以荒度兮曠
戎索而弗理降芊楚以肇封兮輓篳路以畧啓
王制闕而未被兮詎文德之能救忍羈旅以伶

傳兮惕二親之遺體超陽朔而北詣兮及桂林
之崇墉控五嶺之上游兮鎮百粵而爲邦洞重
闔以方軌兮壯屏翰之軍容其中則朱門赫赭
文薨鈿闥植戟鳴鐘 皇宗是國次則街衢弦
直閭閻蟬聯五方服賈列隊居屢扶輿毓秀紱
冕比肩於前則連山嶠崿界以重江醞清瀉濁
環陰抱陽經涂枝術貫穿越裳扼要領而南下
若建瓴於穹堂於後則培以衡嶽枕以堯阜綸
絡荆潭盤宗篤厚九疑繽紛以布翼三湘迴帶

以澄瀏於西則山奔水蕩分湘別灘發源月竈
莫測端倪引牂牁之洪派委下屬於番禺於東
則兩江迤邐與海通波飛艘絡繹鷺販魚鱉泮
散夷落北走湘湖迹四郊而容與兮庶斯域之
可居鄉心愜其勃發兮衷眩曜其猶初佐旬宣
以賦命兮媿實約而名虛駑駘駕而戀櫪兮思
抱影於空廬遠父母而弗毅兮陟岵岵而漣如
孰有翼之可假兮願一覲夫里閭魂展轉以達
日兮宦情索其日淡乞骸骨而返初服兮疏欲

陳而未敢擇官而仕豈臣心兮顧私衷之寡歡
傾肝膽而孰諒兮叢謗詈予以避難第抑志以
就列兮順時命而即安奉簡書以從事兮又怵
瘵曠之爲患亂曰大易有訓幼所懷兮消息盈
虛與時偕兮困亨而貞反諸已兮求終知救慎
厥始兮死生富貴命在天兮釋躁寡怨維末年
今達人觀眇四海兮雄飛雌伏安以待兮欣
戚異感途所經兮歌以求言舒旅情兮忠信篤
敬慎身修兮雖之夷狄終無尤兮

田叔禾集十一

七

詩

扈從西苑勸藉御幽風亭酬勞述頌

儀制時作

八政食斯首三農古所劭

明皇重本業天田

開禁郊房星正晨度新陽蒸土膏僊杏吐妍萼

崇蘭泛和飈蠢蠢蟄戶啓泯泯沍凌消覽彼物

色華平秩眷春朝馮相練嘉辰耆夫獻靈苗朱

紘戾芳囿葱轡班神臯黜黜翠幕列奕奕青旗

搖三推先億兆百辟助劬勞行觀種稔稊佇想

粢盛饒騰車行烈醕舉燧升豐般陳力經阡陌

酺勞飫芸蕘 皇恩一何縲歡聲雜簫韶春遊
媿夏諺載芟賡周謠願言勤祝史玉燭萬年調

扈從高禔壇訖事還御 重華殿 臨饗

禮官述頌

公時爲禮部祠祭司郎中賜宴
欽賞白金五兩綵段一表裏

前星隱芒耀恤胤厯淵衷禮官展經義禘祀肇
修崇良辰考乾度靈壇依震宮北杓指降婁東
井正昏中蒼帷畧神圜絳炬輝玄穹柅鬯揚郁
烈精虔一以通道遥神具喜登假何豐融瓜瓞
兆蕃衍禕禴佩彤弓相維二三臣奔走咸肅雍
回鑾臨闕殿錫燕瞻 天容玄鳥啓殷緒帝敏
昌姬宗休徵晰在昔瑞應今所同跋觀迓景福
華渚流長虹

無逸殿落成侍燕聽輔臣進講書無逸詩

函風七月各一篇述頌

時爲禮部儀制司
員外郎

栢梁聯藻詠華林盛文流但可娛高會未足揚
閔休我 皇秉明睿九德裕兼收在貴不狎邇
旣聖猶敏求離宮匪新築舊貫仍崇修帶霓雲
棟竦天矯虹梁浮華棖映講幄黼辰凝宸旒藉

是集儒彥寧爲清燕謀冲襟佇啓沃元老陳嘉猷
勤民重本業稽古談姬周書詩取同貫稼穡贊
鴻疇石渠未可擬東觀詎能儔瑤瑤珞珞
峩峩冠弁侏昔聞鳧藻契今見丹青投緝御授
筵几大庖羅瓊羞中庭振朱鷺東序憂天球草
豐零露湛華甘鳴鹿呦采菽嗣鎬飲浮觴殊洛
遊嘉運信非偶洪恩安可酬小臣叨法從恍
若登瀛洲秉筆紀盛美惇史垂千秋

冬至日扈從

南郊訖事還御

奉天殿

田叔禾集十一

九

大宴羣臣述頌

時爲儀制司郎中

昊天眷鴻曆

皇明承景祥聲教漸四夷倫制

規百王輶軒通月竈象譯臻龍荒玄符契穆清

坤珍宣秘藏神禽翥阿閣醴液流中唐

宸心

虔大報秩祀釐舊章

圜丘應紫極靈日兆初

陽萬象荷資始一元統天綱虹旃導法駕周衛

儼星行玉階陳曼擊金鼎升芬芳躋躋集彥髦

顒顒奉圭璋盼蠻歆百神崇焜燭穹蒼

皇祖

夙幽贊陟降恒帝傍精白格上下泰靈淹樂康

回鑿徑芳甸廣燕開明堂受釐單戩穀錫福均
履長龐恩逮庖程和氳塞玄黃百男衍周祚多
壽餘堯慶臨況兼巨美徽號垂無疆

覲賀至京作

自貴州兵備僉事入

覲作

矯首望天邑佳氣搏紫清巍巍準辰度恢恢布
皇紘丹霞盤鳳閣白日劇金莖四衢朝擊鼗九
市夜鳴箏皇都誠巨麗況乃逢休禎渙號若流
水頒政如懸衡 九廟秩禋祀三雍延上英瑤
階時莫莢瓊圃敷華平卓躒摠諸夏保界陋西
京舊遊慨陳迹盛觀欣新榮攀龍屬嘉運振鷺
儀雲程子牟馳魏闕長孺戀承明自非圭璋美
胡然委琚珎鵝梁詠在昔撫已增屏營

覲賀禮畢辭朝作

明皇膺瑤籙寰宇躋春臺祥風扇九有玄澤濡
八垓千秋邁令節萬國奮懷來輝煌耀靈景窈
窳天門開 皇容穆顯若臣度秩欽哉九賓奉
琛賚三揖禮賢才夔龍前儼導鄒枚後紛陪我
冠無寢貌影纓威俊魁金縣玄圃奏玉露南山

杯展儀儀已肅攄情情亦恢 聖心眷敷錫清
問及蒿萊丞疑贊密勿揮霍變雲雷蛩蛩䟽逃
臣弃置如駑駘良辰夙所冀始願行已灰稽首
謝楓陛沿牒返荒隈短日苦遲暮長路方縈回
金鑑有遺錄闇劣昧其裁中夜起嘆息回首睇
三台

歸自靈山途中寄別送者

一作寄王德仲

引痾謝省闈戀祿臻瀛壖蠻雲煖燦爛瘴草春
芊綿風土旣非偶應接罕所歡傾蓋近時彥披

田叔禾集十一

十一

顏昵周旋周旋雖未幾燕婉已相依疊疊翰墨
好悠悠林壑期舒襟躡陽嶠探幽攬陰莢已愜
賞心願詎惜頽羲馳頽羲不可留信宿增離憂
抗容理程會瞻途戒盤遊情人眷儔侶飲餞越
林丘並愜意倉悅攬袂語綢繆綢繆旣已分何
能展殷勤潯江東北鶯靈岫西南貴驚濤駕颺
奮奔峭凌烟紛已足消客况矧復懷離羣離羣
積思深含酸末沉吟習習谷風嘆丁丁伐木心
新知樂自昔又要證在今渥惠諒非薄竹子瑤

華音

聞鴈

洞庭生白波，蕪葭下寒露。棲鴈驚且鳴，噉噉雲
間度。客心柰爾何，彷徨聊四顧。盈盈河漢傾，寂
寂樓陰注。長夜漏已闌，崢嶸歲云暮。耕稼有餘
休，組纓多觸忤。長劒不可揮，掛壁塵欲污。青雲
非我鄉，碧山亦懷故。何不歸去來，廣陌縱長步。
明朝覽鏡中，短髮渾欲素。

曉發富春

田叔禾集十一

十二

東風曙色微，征艫乘月鶩。激灩泝江波，冥濛亂
洲霧。去家寧幾何，奄忽變朝暮。冉冉越川塗，淒
淒抱情慄。明發眷巖巖，慈端居憶憶。冲孺運命信不
辰，行藏且狼顧。壯齡昧險夷，橫厲騁高步。投足
輒坎壈，省躬覺僣誤。猖狂阮籍車，濩落魏王瓠。
因茲眷田園，庶幾完晚素。曾是惴惴憂，匪以快
快故。進止復何如，離情繫江樹。

俠客篇

俠客意崢嶸，翩翩出渭城。金羈躍紫燕，錦帶垂

青萍修容已自烹家世復雄名豪舉橫賴曲高
貲遷茂陵藏命鄙郭解借友懷荆卿將相延倒
屣京兆禮分庭冠蓋隘邑屋玄黃交篋贏義槩
衆欽聚肯藉唇舌榮晚節慕約敕縫掖從諸生
咕嗶破萬卷鼓吹鏗六經承平法令弛戎哉秉
國成長吏競乾沒盜賊莽縱橫刺史懦自免司
隸昏如盲賞罰天所持誰能假之行義勇著心
本寤標何時平

至日軍中鞫俘闕

賦時爲貴州僉事分巡
思南道征酉陽作

田叔禾集十一

十三

洪鈞關大塗沉陽蠹初復覘管颺葭灰閉關謐
行轂恒懼調燮疇云慮囚戮伊余舛前猷攝
戎畧荒服列郡勤飛芻連營矯流鏃尚賴將士
賢鯨鯢屢摧劓箠獻羸俘纍纍貫枯髑三捷
敢論功寔悲向隅哭况復值良辰慘愴情愈蹙
聖澤暢八埏萬有藉亭毒黍何此疆隅天施閔
滲漉茂對浹皇慈敬授協民睦月令有遺言潛
然廢陳牘

寄贈黃勉之

西湖遊詠刻凡一十八首今
錄五首其二

溟渤長百川攝提紀羣曜玄覽綜古今達人秉
樞要光儀表人倫藻譔華名教尚綱問逾榮粹
茹賢孤邵伊余昉沉冥自牖延靈照抱素寡泛
儔當涂眷高蹈慕蘭神屢交攀嵇懿初紹傾蓋
結綢繆披襟領微妙墳素恣竒搜蓀蘭從夙好
六蔽行已蠲三益誠知樂短札媿李投晤言冀
瓊報

寓大石佛院綠竹北軒

其四

禪關信窈窕飛軒結層岑紅泉瀉靈液綠篠屯

田叔禾集十一

十四

幽陰登樓有高眺窺園亦近尋我友蘊真賞晤
言借宿欽遊神隘入極斂跡依雙林慮泊求罕
固思玄物詎侵舒嘯撰危策陶和賴孤琴慧日
朗虛牖祥飈襲冲襟遺榮賁高趾親仁息長心
斐疊發衆難鏗鏘劇磨吟機忘狎魚鳥道在茂
纓簪

遵王岑山高麗慧因寺由六橋步歸

其六

危岫擁嶠嶸輕裾恣超軼遠眺幽蘊舒近矚麗
景密丹厓望騁窮玄門瞻儼悉貝牒衍三車珉

經閣隱帙法相觀象龍高談詣芋瑟奧奧擬采
披扶光忽飄疾草草風栗留滃滃雲慘慄枉渚
浪西頽環洲棹東尼引磔回徑賒行吟餘賞溢
迢遞陟飛梁徒倚憇石室步雅體仍和神王心
逾逸微尚易爲盈良遊難可述

自石屋洞至法相寺

其十

曠志憶逍遙勞歌厭囚窘縱壑媚春鱗薄霄愧
秋隼隘彼方內遊夙此塵外軫每挹山水輝都
使名利盡煙樹杳芊綿雲峯互苞積崖屋已靜
便祇園復悟引金輪相自圓玉鏡光不隕沉照
燭靈根依方獲玄準理會得有充神開暢無朕
雖牽纓組心亦免丘壑晒

循宗鏡閣左登南屏山頂披險西討

其十一

聊浪已浹辰次第極奧賞潛棲神鬱伊高造性
陶朗磴棧絕寅緣厓館忽躋仰萬壑遞雲屯雙
峯對霄上妙覽匝四隅瑋覩集西壤餘霞散浮
絢高飈驟清響陽阜挹春暄陰谷參秋爽已訝
樵徑迷時睇鹿町徃景觸咸內任情融非外獎

藉此淑營魂冲襟庶殊曩

崇安閔士乍訖遂借蔡子木暨諸生同遊

武夷

武夷遊詠刻凡十首今錄二首

校文憊甄藻取則慚執柯紛綸五經筥璀璨群
英羅薄乘都授餘喜覲朋好過追隨訪殊境泮
魚淹卷阿玄壇邈今古琳宮翳煙蘿鵲盤蕪都
梁鸞簧奏雲和吏牘乍置遣儒冠鬱嵯峨妍景
愉幽棕蘭言聽良多鄙吝復何有豁若蠲沉疴

贈子木

名汝楠德清人嘉靖壬辰進士時以員外郎省親同知公于延平

田叔禾集十一

十六

達人思精妙甄陶括緯象山水滌玄襟琅玕振
清響天天春藥舒潑潑秋瀾爽愛子獨步才愧
我一日長樂善豈面諛忘年廼心熨居鄰棗梓
間契託雲霄上比懷箕穎期南結羅浮想但恐
搏扶搖枋榆空悵惘

示藝蘅

貴州時寄所云二親者朝議大夫方太恭人也母氏者世母費氏也

滇棘信要荒山河絕疆紀登涉浹七旬顛險軫
萬里馳坂掣懸徽凌橋援飛藟洞壑屯層雲鬱
蒸蕩涯埃俛瞰所歷高終朝魄三褫炎燠瘁輿

徒負擔重趾喟焉休戚同尋情喪寧救贖物
感已多鄉思歛紛委明發懷二親庭闈盼尋咫
歸訊企南鴻來緘覓雙鯉內顧鮮所歡重寄不
在爾爾名良不訾喻義夙有以維衡抱英芬幽
真匹蘭芷攬結勤昔賢明德馨諸已蒙養首沉
潛聖功謹初始從繩無枉材斥弛匪良士動容
鸞鳳翔靜儀喬岳峙三省研道真百巧黜浮技
幼志棄曩愆今圖覺今是善變魚爲龍不善橘
化枳根株既已殊臭味詎倍徙大父秉明哲家

綱振弘美定省肅恒儀愉頽承母氏在禮隆一
源所後非異視汝姊歸有期施枷別嫌似阿妹
纔六齡癡小復喪妣塊處傷箠單戕脾斷瓜李
小叔雖齒齠名行我倫比遜讓太古前趨踣勿
有儼物情和以諧天道盈有毀世祿猶不支寒
宗焉所恃夙夜慎身修兢翼保福履朝華悲蚤
披頽羲遄暮軌厲志或懸頭惜陰亦拊髀羨墻
覲前修龜鏡括諸史曾是握瑾瑜豈云覲青紫
我用申嘯歌法言間文俚豐壘探由衷拳拳勝

提耳孝理不遐求興言矚橋梓抱表三復之無
爲漫諾唯婦者藍田也妹者亭亭也妣者徐恭人妹之嫡母也小叔者季禾公也

丁未之秋周虛岩沈鈞玄自吳中見訪皇
甫百泉以詩寄懷闕爾不報于今三年薄

遊吳中遂偕周沈同訪皇甫因而叙答

憶昔漢東京乃祖秉風節群賢禁錮辰耻不與
黨列流芳千載餘雲孫振高潔三鳳侈前聞吳
中推四傑麗藻戛金徽玄談霏玉屑眇予忝襟
期用世慚蹇拙衡宇翳蒿萊跡屏扉倦閑三徑

田叔禾集十一

十八

引清風二妙忽紆轍萍踪難合弁鴻想阻寥泬
入室嗅芝蘭眉宇覲踈徹新知旣已諧舊雅重
陳說之子揆天才長鯨橫海掣貽我大雅篇寡
和等白雪七襄不成章三歲字懷滅德輝信難
韜珠沈水圓折哀哉越石父胡然困繆綬願君
鑒蘭膏剗彩避媒孽世態喜追隨吾道重規切
申衷報短章無異劒首映皇甫名沆字子循長洲人嘉靖己丑進士

渡江

長江浩無涘欲濟仍躊躇眇此一葦輕凌彼萬

頃餘操維苟弗審寧不隨淵魚豈獨九折坂康
莊亦摧車所以大易戒濡貴有衣柳寄語臨川
子慎勿狎靈胥

採蓮曲

江水纔三尺芙蓉漾新碧亭亭立曉風深紅間
長白蘭舟輕往來墜粉何狼籍對此愁佳人良
辰空自惜安得駐朱顏留待遠行客

冬夜宿省中懷應邦材

名大桂仙居人嘉靖丙戌進士

寒月滿空除清霜零碧樹恒怵懷遠憂轉展不

田叔禾集十一

十九

可曙飄忽柰歲何佳人渺何處冷冷渙秋瀾矯
矯孤鳳翥烟烟來夢思忽忽不得語安得凌晨
風奮飛從此去

答葉敬之三索曲

名良佩太平人嘉靖癸未進士

碧樹生庭阿童童若翠葆一夕秋風生零落隨
百草榮瘁信有時紅顏豈常好明鏡將柰何風
霜願自保

橫塘五月初芙蓉香霧濕遊冶兒女情蘭舟何
捷給日出浦煙消日落風浪急長纜將柰何花

嶼莫深入

銀瓶金作鏤奇珍等琛瑞金井汲寒泉泉深瓶
亦墜頃刻不自持千載未沉棄修綆將柰何臨
深慎勿易

野田黃雀行

黃雀秋正驕翾翻起平楚集我墻下葉啄我場
中忝我忝予所治三時鮮燕處穎粟曾未餐朝
夕供爾汝交交往復來卒歲空予庾我欲訴帝
虞收之以罟罟罟何恢恢嘆息此終窶

田叔禾集十一

二十

大鵬篇

大鵬隘少海乘風欲南圖男兒抱遠志墮地已
懸弧束髮去丘墓負劒遊皇都皇都一何麗九
軌開經涂朱薨聯繡戶擘擘相依扶王侯盛賞
從賢豪起屠酷明經登上相高貴分左符一朝
蒙渥澤三族生膚腴捷足無躑躅矩步多趨趨
拙哉翫髀子華顛守枯株

古意

孤蘭生廣圃亦與衆草妍春風信駘蕩雨露誰

能偏獨抱幽閑姿卒歲終自憐感物莫我心移
置庭堦前臨風三嘆息相對兩茫然

謝陸伯載見規三首

鰲崑山人
辛巳進士

少年頗好道遍入名山遊瓊花與瑤草茫昧不
可求纍纍征途間卒歲誰爲謀路逢王子喬憫
予雙矇眸飲以金七藥居然宿疾瘳願言侍羽
駕一覽八極周霓裳忽高舉嘆息蒼冥浮

漢宮尹婕妤自謂花相似長得君王憐三千失
皓齒豈識傾城姿却在東家裏一見邢夫人低

田叔不集十一

三

頭羞欲死妍媸固有然區區安足侈

秋風發寒谷策策吹庭柯物色迥非故白日亦
流波人生匪山岳安得久差我浮榮易汨沒立
節貴不磨寧沾千載譽媿取天地多登高餘咫
尺失足未蹉跎與君各努力皓首將如何

苦戀

苦戀山澤好何不投朝簪既爲丈夫雄難仄行
義心安能依草木搖落煙霞深世人誇健步擒
虎飛危岑嗟此孱懦姿康莊猶棘林華榮非木

相取舍力自任古來利名窟未有不陸沉

南歸寓普明寺

伏枕一月餘風餐四千里歸厭人事喧靜借祇園止林深雲不開僧癯常倚未暇參禪乘先須憇勤趾解帶投松床赤腳謝芒履虛牖引輕風水盤薦沉李絕勝白梅檀清寒逼脂髓睡起無人知凭欄看放藥

仰屋嘆

稚子莫力田稗禾同一植幼女莫秉機絲纒同

田叔禾集十一

二十二

一織取辦眼前功不顧身後職萬物各有當胡為強委逼君看頭白人七十猶童心語言多反覆變態如浮陰梟鸞無別翼和聲即同音天閻不敢叫仰屋聊短吟

雜怨二首

結愛莫割襟分襟能斷親送遠莫刻期愆期多傷神不涉棄置地豈識離別因唯有庭中槿淹淹如解人

流火不鑠金飛雲不動石妾有金石心惜無金

石髓鄰女探春歸笑談喧一席我獨守空牀殘
燈伴愁夕

古意

寶鏡淨如水中涵明月光贈君千里道清輝移
洞房一覲孤鸞影應知妾斷腸

艾如張

艾而張羅于彼空谷狡兔斯奔竄皆叢樸此鴟
何辜斂翮就戮弗謂何辜爾辜實多揚聲崑崙
樹刷羽瑤池波矯潔世所忌讒人柰爾何

田叔禾集十一

三

赴貴竹發朝違戀

焚絲治有緒離思攪無端遠役詎云恤違親良
獨難已足灰百念况迺當春闌冥冥風雨交策
策衣裳單別味釀胸臆猥雜辛與酸慈母結襟
襜枯眸淚洄瀾巖君強頰色吞聲益繁嘆楚水
旣渺瀟黔山復嶺岼戰兢簡書役摧絕棗梓歡
前修重遺體折阪回征鞍依方切歸想陳辭款
金鑿量無鴻鵠志終返枋榆安臨岐憚卻顧揮
策如飛翰去住各自愛泯怨勝加餐

雞鳴篇

雞鳴何膠膠東方日出欲曙殷殷長樂鐘葱葱未央樹車馬交九衢簪纓滿朝著寓內屢豐穰雲中罷飛輪七貴欣夜遊羣賢及春豫曲池決高都漸臺槩承露茵閣蔽南山香塵暗如霧但惜青樽空寧知白日暮仲蔚翳蒿萊雄心耻饑附咄彼蟬冕華疇能顧韋布貴賤各有營寂寞保貞素

雜興二首

田叔禾集十一

二十四

嗜欲浩無涯逐物紛喪已哲人炳幾先知足貪已弭天道迭盈虧高陵日崩弛冥冥投禍羅疇能鑒傾軌

寒風振大壑百卉紛蕭疎長夏已如此素秋復何如四序苦奄忽汨余年歲除端居寡儔侶撫壯空躊躇

貴竹對雨寄焦學憲

名維章字子晦灌縣人嘉靖丙戌進士

遠道難託跡新羈多怯覓况茲風雨夕四塞山城昏坐令昭曠懷頽然抱幽存尚冀晤才彥清

談蠲鬱煩高山邈旌節何用展寒暄孤鴻去容
與遐心矯騰騫君心諒無拒跂予竚歸軒時在都勻

感古

壯士不得志鞍馬無光輝屏居藍田側蓬蒿翳
荆扉舊遊已陳跡世局多新機雄劍躍寶鞘時
追狐兔飛

烏蠻灘

廣西時作

百粵信多險茲山復魁岸飛嶧杳峻嶒懸流激
湍汧嘈嘈驚沫紆齒齒玄磯燦征帆卷不舒鼓

田叔禾集十一

三五

柅理猶斷臨深絕手援習坎發顛汗已傷千里
心焉假百年觀汔濟暢餘歡回眸未前嘆居易
如有常僥倖非所翫潜然臨長川誰能寫幽瘡
贈東昌陳太守儒癸未進士

希世非短步規容必新妍迷離昧奔涉濩落成
棄捐忽忽遠京國悠悠越山川潢潦汨修畛衰
林翳平阡筑箠離緒亂惻惻羈思騫徘徊眷儔
侶抑鬱增沉綿訪古道東郡賞心邁時賢傾蓋
亦邂逅含情自嬾媚舉世忌玉碎君子羞瓦全

信義苟無爽，願頷非所憐。慷慨平生志，非君誰與宣。

長城歌送齊瑞卿整飭隴右兵備

長城蜿蜒起西極，疊格層樓架空碧。秦徒百萬力已單，賴壤千年化爲石。太華崢嶸天削成，黃河九折龍門傾。山川縈抱復如此，百二之險誰能京。胡騎當年怯南牧，豈知謫戍窺山陵。由來外侮非長顧，立國還須先內寧。天子垂衣泯聲色，德威震懾陰山驚。花門底貢走天闕，關西悍

卒何縱橫，白晝都城逞。睚眦殺人橫，道標其名

齊君炯炯雙瞳精，英風飄忽王侯輕。紫燕雲達

幾汗馬，蒼鷹盤薄凌秋清。詔下承明選賢達，班

超夙有封侯骨，昂然攬轡萬里心。坐見長城增

砮兀，猛士咆哮慎所監。指揮能事如風湍，唐家

河北弊姑息，至今欲語摧心肝。名之驚桐城人，正德辛未進士。

書徐四叔丈示元僧定芝畫竹。名衢，字亨，之餘杭人。

兩山老人雅脫俗，萬寶都忘惟愛竹。千里遺來

八尺，縑習習清風自天日。嗟予雙睫飛塵埃，披

圖恍惚臨寒谷白石紅泉夾坐隅欲訪林巒舊
茅屋誰歟作者僧定芝二百年來墨色滋想得
禪龕初出定臨風戲寫青瓊枝一葉初開豁煙
霧迥出數幹騰蛟螭迸谷穿雲條有神湘潰涸
曲空嶙峋翠影參差搖素壁風前彷彿聞韶鈞
君看此畫非凡格放筆凌空如植戟山人翫此
生意多籜龍宛露塔前碧碧玉駢頭日已長清
修不逐并梧霜欲待伶倫求鳳管正聲千載諧
虞簧

呂梁遇風

呂梁窄束黃河傾黑風倒擊波崢嶸石齒槎牙
出復沒鯨翻鼉躍相喧爭飛廉觸忤陽侯怒戰
酣日落猶未平盤渦挾舵幾欲折孤舟旋轉如
風箏客心摧折色沮喪歛將骸骨隨浮萍沙頭
田父荷鋤立腳踏實地雙眼瞪茅屋百年可容
膝天外豈有真蓬瀛

送蔣明卿之萬載

名相餘杭人弘治辛酉舉人知縣

乳燕朝飛麥隴平棗花未落槐陰清故人出祖

盧溝道遙遙翠幃牽離情酣歌擊筑凌千古試
決懸河向君吐丈夫榮辱等浮雲世態低昂何
足數十年習靜三峯廬一瓢長對五車書意氣
湘江走東海襟懷黃鵠翔太虛巨闕芙蓉花未
剖神光會見冲牛斗謝氏森森靈運奇吏隱宜
春嫌墨綬萍水西奔垂玉虹錦帆天際逐薰風
秋深紫蓋峯頭月千里西湖入夢中

別贈吳大允祥

名麟孝豐人嘉靖丙戌進士時由御史謫廬陵知縣

唧唧復唧唧出門長太息拔劍安所如古道滿

田叔未集十一

二十八

荆棘憶昔高步凌天衢宛轉青雲弄白榆曳裾
葉葉紫霞綺飛佩珊珊明月珠天子聞名趣召
見三春傳詔重華殿環碧池頭錫宴歸一朝傾
動金門彥世故由來反掌間九天雲雨須臾變
沉淪蚤慕鹿門蒙泥塗始羨相如倦別君此去
東復西咫尺相看雙淚垂丈夫不得高樓樓傍
人門戶須俯眉

長歌送張方伯

名義成都人正德甲戌進士由廣東按察使之福建

炎洲一夜飛寒雨榕葉滿城凝露紫海門白白

故人去明眸雙送秋風裏壯遊憶昔與君時並
勒青驄白玉羈太液池頭看競渡曲江花裏共
題詩峨眉稜層秀骨枯清廟新呈雙玉壺海外
莫愁花萼眼天門早晚歸雙鳧雙鳧雙鳧爾何
之雲路茫茫不得隨南國孤舟悲刺促樽前懷
抱有誰知穗城仙迹那更得但見毒龍翻雲海
水黑山猿離迷跳庭闕陽烏渴吼垂雙翼君今
此去閩中遊借問何如天上頭

元日 奉天殿侍儀退簡同署

時爲儀制司郎中

田叔禾集十一

二十九

魚鑰通宵啓龍旗拂署懸紫宸臨法駕丹陛擁
群仙獻歲開昌曆貞符協上玄乘春恩似海祝
聖福如川占籍青雲上依光赤日邊鷓鴣慚渥
寵犬馬度虛年陳力匡三禮和衷藉列賢願從
飛珮後長此聽鈞天

南海李給事孺徵晉江張進士莊甫惠安

曾進士英遇同日過訪時漳浦王進士于

行令仁和四君皆門生話舊小集

訪舊逗征橈江亭候早潮當年同拔萃此日總

遷喬車從洵閑雅衡門慰寂寥論文忘漏永對
酒覺春饒桃李輝聯萼鸞鸞集共條虛名慚領
袖乏德媿瓊瑤登俊光吾黨摠忠答 聖朝雲

臺清燕夜應夢到漁樵

李名兆龍張名冕曾名承芳王名健

史恭甫偕遊玉女潭途中奉答

際

希聲振泐濇字字憂英瑤昔領玄真子今聞泰

逸樵

恭甫別號

當年青瑣客謝事紫宸朝雲漢回雙

鳥江湖寄一撓避喧情自約選勝輿偏饒玉女

留仙躡瓊花秀遠條葵心丹向日桃臉醉生潮

田叔禾集十一

三十

雲路逢鸞鶴應隨王子喬

出自省中遂往盧龍觀

觀在順天

祛煩離晝省避暑入玄都鳴鶴松間引歸雲嶺

外孤羽童供紫茗虎榻隱青蒲倦展桐君錄貪

看王母符丹爐新伏火藥筭舊藏珠玩月登高

閣凌風羨遠鳧何時訪姑射束髮受冥樞

悼內為先妣徐恭人作

往音

丁役尋常定爾思綢繆天與合窈窕意

無私玉案空留篋香纓猶在筍未違同穴願已

負百年期無復人間別
祗增地下悲天涯一掬
淚無路灑松枝

飭兵思石群公郊餞別後寄懷

有序

頃者治兵東鄙辱餞青郊
供帳備尊卑之娛贈言投瓊玖之好僚情交誼何以
加諸竊念僕幼耽馳騁厭就矩矱羞少遊以下澤委志偉終軍以長組蜚聲及
乎弱冠旋入檢束雄風豪舉時復萌生遭遇休明謬取薄宦十年八轉半就儒

田叔禾集十一

三

官穰直祗藝圃之談資絃箝匪毛錐之
什伍近以擯斥之末收復舊班捐之險
棘之隅委以戎行之任雖未能專征秉
鉞禮異軍容而亦得校士掄兵恪共武
服是以聞命就列心動神怡况夜郎障
巴蜀之東藩思石抗湖襄之首領且得
翱翔數郡奔走百蠻覽山川之險易第
戈戟之良苦馭勇士之咆哮控勁騎之
橫驚斯亦丈夫之壯觀宦遊之快事也

分別就道聊述短章若夫契濶之懷興
言雲樹繾綣之想甚于渴飢口未易陳
文焉可達

行郡初分節論兵制一隅由來崇武畧端取勝
文儒偉餞傾三署芳筵整百壺冠裳高會少慷
慨贈言殊落日征驂急迎秋暑氣徂山光浮遠
樹野色淡平蕪臬憲慚仍寵戎行騁令圖酒酣
飛動意談笑控雕弧

登月潭寺東閣

寺在貴州清平衛

田叔禾集十一

三十一

流覽披高閣探竒挹秀岑棟雲含宿潤簷木敞
秋陰滴乳滋丹壑飛淙散碧林庭虛朝鹿至潭
黑夜龍沉仙窟窺天近禪扉映雨深遐踪騫鷲
嶺孤嘯振鸞音已躋真如境仍慚大隱心異方
違夙願偶勝愜幽尋

田叔禾小集卷之十二

錢塘田 汝成 撰

男 藝蘅 私抄

詩

留別王道思

名慎中晉江人嘉靖丙戌進士禮部員外郎

南宮初罷草五嶺獨乘傳淹蹇秋容暮徘徊落
照前子牟空戀闕叔夜合歸田惟有窮途意殷
勤覺爾賢

宜春晚行

田叔禾集十二

一

候火遠依依山城歷翠微雨來三峽暮人到五
臺稀禽變驚新序雞樓憶故扉暝瀉歸欲盡悵
望寸心違

秋日登南高峯

飛塔中天起清秋騁望來凭欄湖月近倚杖海
雲回窳窳千峯合丹青萬木開猶憐雙足健無
日不登臺

午日雨阻益陽鄭令邀夏民部宴集

羈思傷佳節那堪對雨長主人能慰客高士復

同觴蟻泛溪蒲綠盤行雪妝香物情憐故里慷
慨醉他鄉

瑪瑙山居

高閣迥層氛迢迢積翠分漁歌湖上起梵放谷
中聞終夕惟清籟諸天多白雲儻逢鸞鶴侶從
此便離羣

曉渡湘潭寄懷殷令

利涉依殘月揚舲激素流杜蘭聞兩岸橘柚隱
迴洲魚躍驚歌榜烏啼散戍樓美人看咫尺煙

田叔禾集十二

霧杳難求

將至武陵聞陳約之行部在郡喜而遣報

東觀違鵷侶南臺耀豸冠懸知霜臬靜還似玉
堂寒荒跡開雲雨芳襟結杜蘭餘馨行喜襲促
席肯辭歡

約之亦自翰林院編修出爲湖廣按察司僉事

遲陳子不至而行留贈

柬

不覲金閨彥空懷玉樹清淹留車馬色寂寞笑
歌情人世苦多別男兒榮立名與君方一面珍
重簡書行

賈誼廟

上書匡漢室投賦感湘纍慷慨經時策淒涼弔
古詞青蠅工點綴白璧易磷緇何代無讒口非
君獨淚垂。

寄諸兄弟震夫壽夫中夫文明貞夫季禾
歸鴈連雲度離鴻獨夜愁翻飛悲異侶棲息眷
同遊嶂巘天邊合煙嵐日下浮不堪歌棣萼雙
鬢欲迎秋。

徐錦衣東園夜燕先歸

名天錫魏國之叔

田叔禾集十二

三

戚里豪華別王孫雅興幽延賓明月夜選勝曲
池秋未聲遺簪樂先懸側弁愁青驪迴紫陌歌
吹隔珠樓

崇壽寺閣晚眺

虛閣晚來凭遙山紫翠凝踈鐘雲外寺孤塔雨
中燈自別金門侶長依竹院僧蕭然無俗慮身
似玉壺冰。

山居雜興

用拙人全怨偷閑老未侵油油棲息地拍拍歲

時心對竹真忘肉聽泉或廢琴茅齋鄰古寺共
占白雲深。

觀湖南兩廣土兵受犒軍門部勦西山逋

盜廣東時作寇平公嘗勒銘于石

練卒今何往平蠻藉此曹幾年勤戰伐無地不
蕪蒿一舉驚三省終朝碎百宰古來悲玉石節
制更須勞

淨慈寺

紺殿蔚春陰蒼蘿護紫岑池蓮風冉冉臺竹雨

田叔禾集十二

四

沉沉花遶行廊遠香流別院深樵歌山徑裏
聽晚松吟

湖上春行

滿目展韶華行遊處處嘉野橋春澗水古寺曉
園花柳浦歌船集煙村酒旆斜三堤紛若市爭
看玉人車

閩門夜發

人醉閩門酒舟移許墅煙稀星低屋角新柳接
河屢古剎雲霞外荒臺麋鹿前三吳清絕地幽

况幾盤旋

烏蠻灘

一葉中流下千山兩岸開
鼉鼉吹浪轉燕雀受風迴
奔峭迎船出啼猿近客哀
從來輕險絕此涉寸心摧

登樓

貴州時作

江風吹欲盡客淚灑仍懸
短景水霜迫歸心日夜煎
吳門淪碧海蜀道出青天
方識登樓意哀歌憶仲宣

田叔禾集十二

五

書石阡府地圖

那堪羈旅眼復按夜郎圖
地脉元通蜀山情不向吳
市人朝負弩苗女夜吹蘆
風氣經年結細縑畫卻無

提兵過諸葛營有感

武侯經畧地遺壘尚嶙峋
絕塞通荆益雄風動鬼神
論兵思往躅敵愾屬茲辰
咫尺驚戎馬慚稱屏翰臣

軍中酬焦學憲過予思南別署有懷見寄

誰道軍中樂徒勞物外吟朔風淒鼓角嘉節罷
登臨草閣依山迥江梅映雪深無由款高駕愁
絕暮雲心 維章

仗劍

仗劍起從軍三邊義氣聞勤王寧論賞獻馘耻
隨群策馬塵關月舉旗卷塞雲歸來變名姓策
笠謝功勳

謁包孝肅公祠

謁廟瞻遺像爲邦仰昔賢惠流河岳在名並日

田叔禾集十二

六

星懸野老蘋繁薦蠻歌報賽筵餘波沾漑地一
脉起寒泉

寄潘子仁提學

名思上海人嘉靖癸未進士時爲廣西提學

與君雖異省百越故全墟隔嶺通雲霧同官奉
簡書高懷那可似吟况近何如潯水東來急能
令雙鯉虛

黃僉憲約登端城北閣歲暮戀歸竟阻勝

覽書此東謝

名澄南安人嘉靖癸未進士

北閣煙光迥相期渺碧岑孤舟空泊夜高興阻

開襟不爲衝泥慮，還牽逼歲心。一尊封臘蟻，春日定追尋。

三水同陳少叅阻雨

名端，直隸蘇州人，舉人。

獨夜懸深雨，雙帆滯淺灘。野人依岸寂，漁火亂風寒。剩有江湖興，從教去住寬。簾開鷗鳥近，細酌坐更闌。

送胡教諭之廣平

爾去廣平中，休看嶺外同。地因三輔重，才近上都雄。花發需春雨，人行盡朔風。莫言官獨冷，吾

田叔禾集十二

七

道正須崇

王泉寺

春深僧獨卧，山僻鳥稀鳴。泉落階前細，池分檻外清。岩花寒未發，徑草潤長生。潑潑遊魚樂，悠然見我情。

和金太史觀潮

名璐，字美之，錢塘人。嘉靖丙戌進士。

瀛嶠鬱崔嵬，秋濤應月來。翻風銀海濶，赴壑玉山頽。水府千靈送，龍宮萬宇開。朗吟追七發，枚叔信多材。

送鄭知縣改官教授

捫心元不負解綬又何難世路行知險人情又
自安名因谷口重官並廣文寒空篋將孤棹虛
愁反覆瀾

蒼梧逢程舜敷

名文德永康人嘉靖己丑進士

去年南海上今日兩江中共是天邊客無煩問
轉蓬山川雖異域桃李亦看風綽綽行藏任
然興不窮

吳程二君同入李氏園二首

園在梧州

田叔禾集十二

八

乘醉欵山扉虛亭坐翠微不禁花灼眼况耐柳
侵衣澗鳥迎人下風泉捲幔飛誰言百越地池
閣弄清輝

吳公名毗字汝瑩錢塘人嘉靖癸未進士程舜敷

萬里萍蓬跡三春頃刻花忍孤高興發空對夕
陽斜避世心誰許探幽意獨賒最憐瀟灑處臨
水玩晴沙

月夜江東之隔浦

名滙進賢人嘉靖丙戌進士

相對越江潯聞呼不辨音燈開青霧小月出大
堤深誰解招招意空懸脉脉心穗城如有約春

日候鳴琴

哀冲太子挽辭二首

昨夜乾文異飛星繞漢回正愁三極沴忽動少
微衰空佇承華問虛憐博望開宸慈憂不輟晦
朔若爲裁

豈乏長乘術誰投七返丹龍樓臨月寂昏輅御
風寒秋建高禱祀春荒水太壇微臣思往事灑
淚向天端

公爲禮部時舉高禱祀祈應故結及之

陂塘渡

四川

田叔禾集十二

九

匹馬陂塘曉千山瘴霧端猿啼月斷狐魅嘯
人寒懸澗欹橋折穿雲故棧盤溪蠻綠樹立驚
迓漢衣冠

寄簡王兵憲

名崇末康人嘉靖己丑進士

裁罷黃門簡來臨赤戟臺先聲威百粵遺章動
三台每惜安南棄空餘節制回炎荒皆帝宇何
日掃重開

聞延綏捷至寄奉唐相公二首

紫塞傳星檄彤廷下虎符飛騰龍旆馬翁習羽

林孤開府雄三畧元戎控八區不須紆廟律方

叔擁皇圖

公名龍字虞佐蘭谿人正德戊辰進士時以尚書總制三邊

天策懸霄迥神兵壓寨雄青羗張掖並赤狄定
襄通光躍旌旗日威騰鼓角風何由陪羽獵結
束引雕弓

馬駙馬宅夜宴

瓊樓明紫甸芸閣上丹青幽入蓬萊苑平臨烏
鵲橋落花迴鳳舞艷曲度鸞簫華月延清宴風
情此夜饒

田叔禾集十二

十

趙太守同府寮精嚴寺宴集談時事有感
紺殿午沉沉空庭古木陰清尊延勝賞涼雨豁
煩襟旅劒乾坤晚朋簪湖海深感時愁併劇憊
憊未灰心

寺在嘉興

過許野黃公邀登宜民樓別後却寄

樓閣俯關河凭闌望若何郡通賓旅遠城近海
雲多酒綠搖津樹風清引棹歌客愁兼別况流
思滿煙波

名宗器閩縣人嘉靖乙未進士

寧海道中

匹馬向江東蕭蕭朔朔風人間生事薄客裏歲
華窮浪跡隨殘雪歸心入斷鴻倚門愁正劇盼
殺白頭翁

石梁瀑布

洞閣探幽處龍宮架石梁飛湍珠璣璦懸磴玉
蒼蒼日月開仙界煙霞護上方何時投白社身
世兩相忘

曉渡揚子江

曉渡人猶競臨深我獨驚半江殘月淡兩岸暝

田叔禾集十二

十一

煙橫鐘鼓金山寺旌旗鐵甕城從來天塹地警
備可忘情

過剡溪想天台覽勝有懷梁徐林三文學

望望名山去溪流泛碧桃芒鞋從此試金策更
須操煮石將休粒餐霞待伐毛諒非難脫屣還
念爾同袍

宗上人惠豆豉戲答

配鹽幽菽子分惠自僧家未下名雖久金山味
更嘉將同玉板笋何似水梭花叅透看平等方

能轉法華

送月松上人遊天目

中峯留幻跡遲爾去傳衣相送臨秋水歸來掩
夕扉杖頭黃葉落溪上白雲飛悵壘松間月還
思靜者依

東園

聞道東園勝亭臺石徑斜曲池深落澗短竹翠
穿沙岸幘鶯啼柳傾壺月度花風埃徒羨爾何
日訪仙家

田叔禾集十二

十二

春日山行二首

古寺寒煙外清尊落照中石林樵徑滑曲澗板
橋通纓冕終何事浮沉媿此躬碧山頻悵望迢
遞白雲東

幽懷天共遠春水眼增明淺翠松前酒留連花
外鶯笑談今日事感慨百年情歸騎煙光暝孤
村雙杵聲

贈別

客館論文日京華旅食情風塵雙鬢短漂泊一

燈明樹影江城碧鐘聲野外清孤舟今夜月尊
酒共誰傾

將進酒

狐塞無傳檄龍城罷遠戎懷人千里至明月一
尊同淺注琉璃碧深傾琥珀紅勸君須酌酹良
夜莫教空

客中清明有懷震齡泰龍臨汝力諸兄弟
松柏佳城迢迢一水陰衣冠詩禮澤尊俎歲
時心此日多情話何人遠滯滯吳山天際隱悵

田叔禾集十二

十三

望起哀吟

上巳日與曹侍御諸公遊飛來峯

解襖屬茲辰登高勝會新湖山原不負魚鳥自
相親人映尊前玉花餘谷口春朋簪宜數盞莫
遣跡成陳

名竹江陵人嘉靖辛丑進士時同遊者七人家君作序刻石峯下玉乳洞

和金太史中秋不見月

璠

漠漠雨兼風華筵蠟炬紅清吟悲蟋蟀踈影暗
梧桐桂闕淒涼掩蘭尊激灑空小樓頻徙倚悵
望亦君同

是夜雨坐四更月華戲簡金太史 璐

皓魄忽披雲遙天綴五紋冰輪金作繪玉練錦
爲文露湛襟初爽香凝酒半醺知君倦深酌良
夜未過分

和金太史十六夜玩月 璐

陰晴殊昨夜高朗獨今宵冉冉河流澹離離桂
影搖有情瞻玉宇無路陟銀橋析韻砧聲合秋
城倍寂寥

題美人圖

田叔禾集十二

十四

憶昔逢仙媛鶯花爛熳辰香飄金谷夜光映玉
樓春舞迭陽和妙歌翻淥水新秣今天上月何
處照離人

元宵和嚴季祥 名鳳洲州人弘治辛酉舉人時爲鎮遠知府

寂寞煙花夜何如竹院僧那逢千日酒不對九
華燈長劔天邊倚危樓月下憑鄉書明日發歸
思隔年興

題畫四首 與黃勉之同作

何處訪青門高人小隱存暖風揚柳渡遲日杏

花村佳境行同賞幽期擬共論春溪探不極疑

是武陵源

爲徐亨之題王叔明畫二真二贗惜今不知落于何所矣

茂樹曉蒼蒼臨川引興長柳堤深卻暑荷嶼淨
生香鼓棹心方愜沿洄話未央採菱清韻發隨
意棹滄浪

碧石迴溪靜丹楓昔日明水容秋總淡山色晚
偏清藉草論文暇瞻雲悵別情徘徊林壑冥疊
嶂紫煙橫

驄馬鷓鴣裘王孫賞雪遊瓊花飄紫陌玉樹繞

田叔禾集十二

十五

紅樓北里微名效東山集勝流捲簾高閣近歌
吹隔林幽

聞鵲

晨起雙靈鵲窺人噪并除迥開孤客闕端憶故
園書盜賊三春後江湖萬里餘經年無一信嗔
爾報常虛

家計二首

家計謀原拙幽居興獨工圖書隨坐卧畜牧任
兒童并李含朝露池蓮受晚風清吟近妻子尊

釀瀉新紅。

避竹深開徑牽蘿短結屏捲簾延草色啓戶納
山青花氣蒸人睡溪風吹面醒倚欄聊一眺雙
鷺下蒲汀。

題習靜卷

習靜寄林真道遙物外遊岩花開映日窓竹淨
含秋盤谷應同賞桃源不更求何當兼吏隱共
對草堂幽。

長沙寄余思孝

名胤緒應城人嘉靖丙戌
進士吏部考功司郎中

田叔禾集十二

十六

彈冠華省魏襟期分袂天涯歲月移衡岳雲深
龍卧穩湘潭春盡鴈歸遲煙霞發笑登樓詠賦
畝沈憂覽鏡時沈芷澧蘭搖落遍遠憑煙樹寄
相思

詠斷絃悼內

徐恭人

洞房寶瑟思華年秋夜淒風忽斷絃玉柱已看
零榻畔徽音無復媚尊前巴山月落猿聲絕湘
浦雲沈鴈影偏即使鸞膠能續韻寸腸那得更
綿綿

獻弋陽王

帝子聲華夙不常，
褻嘉重疊下巖廊。
丹青自得山川理，
翰墨元分日月光。
江右文章新奕葉，
河間禮樂舊靈長。
何妨乞與連城壁，
未夜騰輝照草堂。

雨阻桃源喜彭學諭携酒過訪

千山飛雨暗江頭，
草閣蛙聲入夜愁。
繞院寂寥孤鶴伴，
移尊慰藉故人求。
高情已發煙霞賞，
勝地何妨信宿留。
晴旭稍須林壑美，
武陵深處覓

田叔禾集十二

十七

漁舟

酬張方伯叙舊見慰

我之福建五月而調雲南

夜郎夢寐驚相見，
炎徼煙嵐憶共遊。
泛梗百年憐浪跡，
傾杯一笑散離愁。
茲蘭樹蕙行將晚，
蓴脆鱸肥思及秋。
賴有故人勤慰藉，
遠題尺牘到荊州。

夏日憶張總戎山莊

名經桂林入總兵

少陵不惜馬蹄遙，
慣向何家第五橋。
嬾慢也耽看竹興，
殷勤常荷報書招。
杯凝琥珀行陰洞，
簾

展琅玕下紫霄。拋卷北窓高。枕罷臨風還聽隔，
山雉。

春日晚起

草堂晚起怯峩冠。相喚鄰翁坐藥闌。乍雨乍晴
花氣艷。一談一笑酒杯寬。浮萍護睡鴛鴦暖。芳
草翻風蛺蝶寒。病客有愁天亦念。故留春色共
君看。

西湖遊覽五首

春遊何處最相宜。湖上風光欲暮時。雲嶂曉開

田叔不集十二

十八

青齒昔柳橋晴。浸碧琉璃風傳隔浦。銀笙細月
戀平堤。寶馬遲我亦浮沉。隨里巷獨懸清賞。少
人知。

蘇堤如帶束湖心。羅綺新粧照碧潯。翠幕淺寒
隣草色。華筵小簇占花陰。凌波人度纖纖玉。促
柱箏翻疊疊金。月出笙歌斂城市。珠樓縹緲綵
雲深。

曾作西湖幾月遊。况逢仙侶木蘭舟。賡詩待月
林間榻。把酒臨潮江上樓。南宋池臺多勝跡。東

吳人物最風流。一從桂海驂鸞去。零落玕璣爛

未收。

公自注云昔年與吳縣黃勉之遊湖一月倡和百首予既去桂林而詩亦散失矣

蒲葍芊芊盡吐芽。兩湖凝碧淨無沙。煙波窟理
玄真釣書畫船開米老家。買賦金空多。貫酒登
山屐。折爲穿花已。拚齒髮于中老。別是人間一

歲華。

宋家宮殿倚西湖。異代蕭條王氣徂。輦道秋風
飄落葉。寢園春雨灑平蕪。登高賦古非能事。賞
月憐花揔細娛。惟有岳王英魄在。蒼蒼宰木向

田叔禾集十二

十九

南孤

朱烏程考滿北上過訪話別

草翳衡門徑不分。軒車忽駐共論文。辭華燦爛
驚開帙。書法縱橫醉染裙。威鳳有光依日月。乖
龍無路附風雲。淮陰自古多豪傑。秀美如君更
出群。名笈桃源人嘉靖丁未進士

聖水岩同賓山虛堂兩上人夜坐時兩上

人咸將遠遊兼陳別緒

期襟何處解塵緣。聖水岩頭思渺然。半嶺松筠

懸落日滿城樓閣鎖寒煙談詩靜對槐陰榻淪茗清分石竇泉錫杖雙飛出雲去海天秋月向誰圓

送僉憲趙公北上

名維垣永寧人嘉靖壬辰進士

西風策策鴈橫秋旌節飄飄帝里遊夢裏幾回鴛鴦省日邊重見鳳皇樓乘傳按部清風遠點筆名山浩詠留此去玉堂逢舊侶紫薇花下好

賡酬

夏日懷山陰潘柱史會稽司馬省郎

田叔未集十二

二十一

忽驚紅日牕前起卻憶幽人幾醉眠偃蹇即官寧白首伶仃柱史只青氈鑑湖畫艇搖搖發蘭渚清觴泛泛傳聖主正勤宵旰想肯教逐客老江邊

潘名壯山陰人嘉靖癸未進士司馬名相會稽人正德辛巳進士

孔學使過積善毓慶堂賞牡丹

天香國色檀雙竒日暖香濃色更滋一似素娥開寶鑿何須銀甲弄朱絲凭欄曉露重樓玉入手春風四座卮高蓋暫留臨夜發還看艷影月中垂

名天胤汾州人嘉靖壬辰進士

答陳約之見寄憐遣夜卽兼抒歸志之作
荆門萬壑樹參天落日賓鴻去杳然忽枉瑤緘
存寂寞翻令客淚益潺湲帝城冠蓋三年別
微雲山兩鎮懸共有鑑湖明月與若爲同上木
蘭船

謁宋理宗御容於集慶寺

江介重開小有天聲容郁燁似無前不聞露布
封京觀謾覩戎冠列細氈朔幕已頒登極詔宰
臣猶進福華編丹青寂寞山河改番伴空王鎮
法筵

田叔禾集十二

三

與張獻叔登吳山眺江湖叙舊有述

曩予校藝集英髦之子才華冠爾曹三獻可無
知白璧十年何事困青袍短筇看竹琳宮僻長
嘯凌雲鷲嶺高杯酒留君匪滯滯滄江八月正
飛濤

名嘉猷閩縣人嘉靖庚子舉人

曉雪寫懷因寄京國舊友

廣東時作

雨雪霏霏曉漏遲天門忽憶放朝時光凝紫陌
搖銀燭花點朱衣照玉墀此夜枕衾人倦起殊

方牢落歲頻移忍從上苑看梅發不向湖南寄
一枝。

沈子仲文丘壑玄襟煙霞逸調引棹湖曲

傾蓋草堂相與盤桓匝月賦贈一首 應魁

筆牀茶竈白綸巾倚木吟秋興入神跡混煙霞
元不負機忘魚鳥自相親主盟白社慚非偶領
畧青山賴有人。已卜西湖成小隱朝朝橫榻候
清塵

國清寺寄懷葉寅長 良佩

田叔禾集十二

三

雪霽千山照眼明竹林幽澗坐深清僧隨落葉
斜陽卧客傍閒雲小徑行谷鳥嚶嚶懷舊友酒
船拍拍送殘生禪機活潑君知不三隱當年一
笑情

登封山塔彌勒化身之地是佛喜飲好笑
半百年華西復東飛蓬逝水共匆匆馬卿多病
書仍著蘇晉長齋酒不空自在三杯依佛法等
閒一笑領春風隨緣度世當如此再拜焚香叩
此公

遊鴈山岩

海外昔曾聞闕苑人間今已見蓬萊金庭玉室
誰經眼鴈蕩龍湫獨舉杯遠近香泉飛雪下參
差綉壁倚雲開平生漫有登高癖此日深慚作
賦才

栢渡舟中走筆簡邵司訓

披雲夜磬封山酒扶醉晨登栢渡船晚歲煙霞
棲海上故人風月對尊前他時會晤知何地一
餉留歡抵萬錢春日肯懷林下老爲携雪竇滿

田叔禾集十二

二十三

瞿泉

南明寺覽佛屋月峽仙局諸勝及梁時三

層寶閣廢址

雪鴻踪跡冰間流一息禪宮百慮休金粟尚瞻
厓畔影銀蟾不見峽中秋祇園亦有丹丘樂羽
駕曾爲玉局遊高閣已灰成浩劫頓憐人世轉
空浮

登天姥山絕頂瞰杭城若孟浙江若帶

青蓮仙客謫塵寰天姥長歌夢裏山何許御風

同鶴到幾時飛珮與雲還扶棗冉冉無多地弱
水盈盈可一灣我亦近觀周越會冥鴻目送到
鄉關

山居雜興五首

深居簡出意如何一任頽垣長薜蘿蠶月閉門
無客到花時對雨有鶯過鑿經欲定名方少琴
譜曾翻雅調多淺碧溪頭閑白鷺近人那復畏
虞羅

澹薄甘餐世味長一區深占水雲鄉斲來園筍

田叔禾集十二

三四

煙霞色買得溪魚艾藻香涉霧久知慚豹隱臨
風空復羨鷹揚何妨細酌林泉老不逐高陽舊
酒狂

何必金丹問大還好將時日度人間岩前掩卷
雲同懶松下彈碁鶴伴閒喜對清樽邀北海耻
歌白石怨南山莫言散客渾無用曾展風霆震
百蠻

芙蓉窳窳月朦朧草閣遙憐玉殿風曾從龍舟
西苑裏正聞蓮漏百花中珠簾捲霧搖波綠寶

扇開雲射日紅恍向九霄重浪跡卻忘身世一

飄蓬

時公以禮部祠祭司郎中特
苑寔異典也

旨賜遊西

澗戶岩扃儼未移青山憐我似前時書林舊聚
珠千篋社飯新分雪一匙陰曦戰來規陣法午
蜂衙罷憶朝儀河清海晏逢休曆剩有豪懷付
酒卮

曉發新昌入天台路寄懷何明府

沃洲南眺海霞明天姥迢迢帶赤城到處溪山
堪挹秀望中雲樹總含情冲天控鶴人非遠擲

田叔禾集十二

二十五

地鏗金賦未成一冒垂堂從此去思君不見石

梁橫

名孟倫新會人嘉靖辛丑進士時爲新昌
知縣門人

曉發嵯縣將往天台別林朱二少府

平林捲霧喜初晴鳧影雙雙傍客旌嶺海幾年
成契闊剡溪今日更尋盟蒼山落葉稀人跡碧
澗流花遠世情仙境漸深身漸杳只愁歸路五
雲平

蘭亭燕集

茂林修竹古亭幽江左衣冠此勝遊萬壑煙霞

還舊賞一時觴詠總名流
皆泉曲曲穿雲下嶺
樹章章昔日稠
筆妙右軍惟襖帖
尋踪擬向墨池頭

贈徐第之翁

名後餘杭人今年八十五矣

望湖亭迥俯驚湍
蒲柳深開闢鴨欄
年力自矜詩草細
豪懷不減酒杯寬
四時風月長生術
三徑松筠舊歲寒
會看朱顏閒裏駐
何須更覓九華丹

嘉興晚發別陳子常

田叔禾集十二

三六一

江南春盡落花天
棗柘籠煙水滿田
野店酒香新雨後
斷橋人渡夕陽邊
羈懷瀟灑惟歌嘯
世路崎嶇只醉眠
傾蓋逢君成坐久
片帆乘月下吳川

寄懷沈仲文

應魁

儁遊觴詠屬西湖
酒聖詩神與不孤
談笑總宜皆載筆
丹青無事更披圖
榻懸夜雨頻占鵲
棹返秋風苦憶鱸
便欲從君清泛去
楓橋乘月聽吳趨

和曹侍御借楊侍御映江樓觀潮

竹九二首其二

湖海襟懷獨倚樓
况逢仙侶伴清遊
越山霧縉簪螺髻
浙水春融漲鴨頭
藉詩篇聊冶思
不緣花鳥解分憂
報章累牘從元倡
七步才華絕品流

揚名九澤華陰人嘉靖戊戌進士

萬民望父寓宜興詩以招之

名表鄞縣人部督

浪跡名山恣遠探
白雲何地可停驂
鶴迷煙冷張公洞
花落春深玉女潭
玄酒未醅慚獨酌
丹經初試擬同參
爭如舊隱西湖曲
五柳甦甦杜

田叔禾集十二

二十七

草菴

夏日三司諸公携酒過藥洲外館簡謝

草堂窈窕新開徑
二仲幽踪尚未通
花外忽傳三府至
林間更喜一尊同
旋翻翠藻牽銀鯽
細注瓊漿勸碧筒
天遣藥洲兼吏隱
重煩高誼助清風

秋夜送張方伯入閩中

峩

紫薇花下送離居
花落秋風動客思
五嶺瘴雲愁此日
八閩涼雨憶當時
即看鴻翼歸霄漢
且

覓鸞歌到武夷良夜百年那更得一尊相對轉
凄其

病愈入朝

假寐周廬夜未央坐看月色轉長廊銀河淡淡
低鳩鵲玉漏微微出建章伏枕久拚明主棄
倒衣重列紫宸行迂踈無方能禪國佩玉闌珊
媿獨長

龍江送吳士美移守鈞州

名彥山陰人嘉靖癸未進士

蘆荻蕭蕭鳧鴈飛清江石郭重因依孤舟尚憶

田叔禾集十二

二八

他年別萬死還從去路歸白首丹心憐汝在窮
途青眼故人稀量移猶是長沙謫落日哀歌事
轉非

送蔣中丞北上

名瑤歸安人弘治己未進士

翠華南狩下蕪城淮海曾聞杖策迎賸有陽春
宣帝德更持冰蘂重臺評江濤黯澹青山隱
薊樹玲瓏紫氣清南國若勤明主問好將民
瘼䟽延英

清遠遇雨

日落驚傳萬壑雷，海潮忽帶雨聲來。偵陽峽底
蒼虬出，橫石磯頭白浪開。病骨卽看蘇遠道，愁
腸無復寄深杯。卻憐戎馬西山老，零雨何時奏
凱回。

曲江芙蓉驛送李儀部稚大之京，因懷屠
文升、王紹甫、陳約之、王道思四僚長。

曲江日日風和雨，風雨催人可自由。楊柳陌頭
秋獨早，芙蓉堤上晚添愁。卽分庾嶺悲行色，若
到燕臺喜舊遊。爲問同袍諸逸俊，南宮何以行

田叔禾集十二

三五

清幽

李名義，壯南海人，嘉靖癸未進士。王紹甫名汝孝，東平人，丙戌進士。

曉行聞鷓鴣

曾于樂府聽哀音，今聽啼音哀更深。簌簌自垂
他日淚，紛紛都折此時心。蠻花江畔霜初白，瘴
樹山頭月半沉。倦客已憐行不得，又堪疲馬度
危岑。

王方伯劉少參適至，遂同登妙高臺賦簡
高臺獨上不勝情，偶遇同心逸興并。石局共彈
秋雨淨，芒鞋遍踏曉雲輕。禪通水月魚龍寂，地

擁天人色相明廊廟直須公等在東林吾已訂

深盟

王名俊民合州人劉名勳莆田人俱正德甲戌進士

六榕寺

雙鳧遠寄穗城深海鶴山雲共此心不爲叅禪
依淨社每因看竹過叢林孤懸塔影青霄近亂
落榕陰白晝沉此意直教人自解坐來明月上
高岑

行按肇慶寄送祝堯緒按察湖襄

聞君早晚去三湘留滯無因共祖觴衡岳出雲

田叔禾集十二

三十

將使節漢江浮月近征檣探幽定入麗公里作
賦今登屈子堂他日有情能問訊澧蘭沅芷遲
來芳

名續長洲人正德辛未進士

同藩臬諸公余約中宅賞菊

秋色離離動物華天涯搖落更堪嗟逐臣自耐
黃花笑冷艷偏宜處士家舊插短籬開小徑新
移數種帶寒沙已拚一醉遲明月莫遣清尊近
夜賒

陸子龍寄酒

雲間正杳青鸞信
天外俄傳綠蟻封
萬里携來情不淺
一尊開處色仍濃
暫將瘴海愁煩破
宛向闔門笑語從
卻憶虎丘春正好
桃花何日嘆重逢

除夕與吳汝瑩燕集

玘時爲廣東僉事

守歲天涯共一卮
盛遊還憶帝京時
藏鈎喚酒高朋滿
刺燭探題小伎隨
鄉話自憐今夕末
豪懷惟有故人知
明朝客裏逢春色
坐對梅花玉漏遲

田叔禾集十二

三十一

寄贈西亭宗尉

名睦 梓河南周藩

十年不醉西亭酒
千里顛傳北鴈書
麟閣策勳良已矣
兔園抽簡復何如
評詩榻帖經綸素
藝草分花智畧餘
滿地干戈非舊日
王孫何以慰樵漁

韶州

河戎寒依浦村
氓晝掩關隔山
明野燒云是小
溪蠻

胡十八

新翻胡十八急調出西涼不入鴟絃細能隨鵝
管長

新豐

策馬過新豐丘墟四望同不知千古上何處酒
旗風

春夜曲

夜靜寶香殘簾開銀燭冷照見庭前花不見歸
人影

宮詞三首

日叔未集十二

三三

四方章疏下群司日日乾清坐自批欲奏午時
還退卻 龍顏玄默有端倪

西苑新栽萬樹棗鳳輿親採麥風涼養成細繭

顆顆似浴在金盆白玉光 時在儀制舉親蠶禮

龍船時候鳳船移萬歲山邊太液池寤寐進賢

真窈窕名花新選兩三枝 時在儀制奉命選
北城良家子冊嬪中

二人有 旨賞白金五兩
綵段一表裏

解冠雜憶五首

醉裏屠生興更豪論文只頌馬遷高飛揚跋扈

金閨裏遊莫雄談眼底曹

文升

晉魏名家不可當鍾王法帖自門墻王郎贈我

千金意未學臨池媿錦囊

汝孝

陳子翩翩鬢太青詩成先誦董娘聽遙聞此日

遊梁宋春閣應閒翡翠屏

約之夫人董氏會稽人侍郎文玉妃女

祠部儀曹數一時也曾潦倒共襟期若教諸少

當場驚捷足還推王道思

慎中

不見西村張戶侯惜花憐月近誰儔南鄰酒伴

應無恙日日溪邊放小舟

名護字一夔錢塘人湖州守禦所百戶

日叔禾集十二

三五

瀟湘道中憶崇蘭芝茗薰芹諸從子

驚棹長亭復短亭飄然江漢一浮萍紅顏青鬢

憐諸子高閣春深枕六經

夜郎二首

荒服提封不可稽疆連荆益混東西千山雲雨

來三峽一水舟航下五溪

漢家宮闕俯金臺萬戶千門次第開神木盡輸

廊廟具工師深媿棟梁材

公以採木功欽賞白金十兩綵段一表裏

廣州竹枝詞二首

青樓何日最相思
郎去凌江二月時
九里十三拋水惡
轉風灘上有靈祠

窄袖青衫白哈巾
波羅廟裏賽新春
聖童巫媪村村會
豐鼓鳴鑼拜海神

西湖柳枝詞二首

蘇公堤上柳如絲
弄雨含煙信有姿
可憐枉抱春消息
不受孤山處士知

錢塘士女春可憐
年年爭泛木蘭船
若教湖柳開青眼
定道紅顏減去年

田叔禾集一二

三四

候藝衡試院未出

嘉靖己酉作

棘闈高鎖雨沉沉
漏柝稀聞夜欲深
憐汝揮毫思獨苦
萬言都屬濟時心

鴈蕩

丹厓千尺挂晴湍
天女裁成五色純
遺下剪刀雙壁立
苔痕深鎖鐵光寒

山有剪刀峯

曉起

年來踪跡越中多
水白山青興若何
心事日親江上侶
夢魂無復帝城過



